

STATUT
I SHOQERISE ME PERGJEGJESI TE KUFIZUAR

“AAA solutions” SHPK

Shoqeria me pergjegjesi te kufizuar “AAA solutions” SHPK, eshte themeluar nga ortaku i shoqerise **Znj. Anjeza Ajazi**, shtetase Shqiptare, e bija e Fatmirit, lindur ne date 11.08.1990, ne Tirane, dhe banuese ne adresen Rruga Sami Frasheri, Tirane, Shqiperi, mbajtese e pasaportes Shiptare me Nr. BR2988623, madhore, me zotesi te plote juridike per te vepruar, identifikuar nepermjet leternjofitmit personal me nr. J05811051D, Ne perputhje me ligjet e Republikes se Shqiperise nr. 9901 date 14.04.2008, "Per tregtaret dhe shoqerite tregtare", i ndryshuar dhe ligjit 9723 date 03.05.2007 "Per Qendren Kombetare te Regjistrimit", te ndryshuar.

DISPOZITA TE PERGJITHSHME

Neni 1

Shoqeria eshte person juridik i te drejtes shqiptare dhe gezon te drejtat e personit juridik nga data e regjistrimit ne Qendren Kombetare te Biznesit. Shoqeria zhvillon aktivitetin e saj ne perputhje te plote me legjislacionin shqiptar dhe dispozitat e aktit te themelimit e te ketij statuti.

OBJEKTI I VEPRIMTARISE

Neni 2

1) Projektim dhe realizim i fushatave publicitare dhe promovuese nepermjet shfrytezimit te te gjitha instrumentave, perfshire marketingun telefonik dhe instrumenta te tjera te marketingut nepermjet internetit per tu shitur ekskluzivisht jashte territorit te Republikes se Shqiperise, agjent, administrator, marrës për llogari, ose në të kundërt, në emër te korporatave private.

2) Ofrimin e te gjitha sherbimeve qe lidhen me "Call Center" dhe Contact Center duke perfshire edhe perpunimin e te dhenave te shoqerive te tjera dhe/ose enteve

publike, ndermjetesim tregtar dhe marketing ne fushen e sherbimeve telematike dhe telefonike.

3)Perfaqesimin dhe sherbime ne fushen e telekomunikacioneve dhe te prodhimeve e sherbimeve telematike. Per te realizuar objektin e aktivitetit te saj, Shoqeria mund te veproje ne Shqiperi dhe jashte, dhe te kryeje cdo aktivitet tjetër te nevojshem, te lidhur, instrumental, te perafert, elementar, ose sidoqofte te dobishem. Projektimi, administrimi dhe shit-blerja e produkteve dhe sherbimeve telematike, informatike dhe te marketingut, ne fushen telefonike, informatike dhe tregtare.

4) Furnizim ne outsourcing per shoqeri private dhe ente publike me sherbimet e meposhtme: Trajtim te dokumentuar te dokumentave administrative, bankare, dizenjove, hartave kartografike etj ne faza te ndryshme te perpunimit, indeksimit e aktivimit; Sherbime ne web, call center dhe qendra kontakti, zhvillim dhe aplikim i sherbimeve ne web; prodhim dhe komercializim i te dhenave te softwareve te çdo lloji e natyre per shoqeri per tregun shqiptar e te huaj, perzgjedhje, formim e trajnim personeli te çdo sektori te tregut dhe perfaqesim shoqerie me pune te perkoshme; sherbime konsulence drejtimi dhe organizimi, sherbime konsulence informatike dhe lidhjeje.

Gjithashtu, Shoqeria mund te kryeje cdo aktivitet tjetër biznesi I cili nuk eshte I ndaluar nga ligji I zbatueshem ne Republiken e Shqiperise.

SELIA E SHOQERISE

Neni 3

Shoqeria me pergjegjesi te kufizuar **“AAA solutions” SHPK**, ka seline e saj ne adresen: **Njesia Bashkiake Nr.5, Rruga Andon Zako Çajupi, pallati 20/3, kati i pare, Tirane, Shqiperi**. Shoqeria mund te kryeje e te transferoje, apo te suprimoje qendra administrative, seli, filiale, agjensi dhe zyra ne territorin e Republikës se Shqiperise dhe jashte vendit.

KOHEZGJATJA

Neni 4

Kohezgjatja e veprimtarise se shoqerise do te jete pa afat, me mundesine e zgjatjes apo te shkurtimit te afateve, te ndryshoje veprimtarine, emertimin, seline, objektin e veprimtarise sipas vendimit te ortakeve te shoqerise.

DETYRIMI I ORTAKUT

Neni 5

Ortakët e shoqërisë duhet të kryejnë depozitimin e kapitalit themeltar për llogaritë të shoqërisë në një bankë të caktuar prej tyre.

TRANSFERIMI I KUOTAVE

Neni 6

Ortakët mund të kalojnë pjesën nga kapitali themeltar personave të tjere në përputhje me rregullat e parashikuara në nenin 73 të ligjit 9901 datë 14.04.2008 "Për tregtarët dhe shoqëritë tregtare".

PARAQITJA KONTABILE

Neni 7

Operacionet e shoqërisë kontabilizohen duke aplikuar parimet e kontabilitetit të parashikuara në legjislacionin shqiptar dhe paraqiten me saktësi në bilancin vjetor të aktivitetit. Në mbyllje të çdo viti ortakët ose personi i ngarkuar prej tyre, bëjnë inventarizimin dhe llogaritë vjetore në përputhje me dispozitat e legjislacionit në fuqi për kontabilitetin dhe hartojnë raport me shkrim. Ky raport pasqyron gjendjen e shoqërisë gjatë vitit financiar.

KAPITALI THEMELTAR

Neni 8

Kapitali themeltar i shoqërisë përbehet nga 100 (një qindë) leke, dhe zoterohet 100 % nga një ortak i vetëm. Kapitali përbehet nga një kuotë me vlerë 100 (njëqindë) leke.

Kuotat , me vendim ortaku jane lirisht te transferushme tek cdo individ ose person juridik nepermjet akteve juridike (kontrate shitblerje, trashegimnise, dhurimit ose cdo menyre tjeter te parashikuar nga ligji.

Ky kapital do te shlyehet nga ortaket themelues ne momentin e regjistrimit te shoqerise.

OPERACIONET FINANCIARE

Neni 9

Shoqeria eshte e autorizuar per te siguruar mjete financiare dhe kredit duke ju drejtuar bankave, institucioneve te kreditit ose atyre te financimeve totale apo te jashtme, institucioneve nderkombetare te financimit dhe te kreditit sido qe te jete percaktuar.

BLERJET E SHOQERIVE

Neni 10

Shoqeria disponon mjetet e saj ne perputhje me destinacionin e tyre dhe me objektin e shoqerise. Ne Republiken e Shqiperise, shoqeria gezon te drejten e saj per te zoteruar mjete te saj si ne cdo shoqeri tjeter ose organizate tregtare, kombetare shqiptare ne perputhje me Ligjin 9901 date 14.04.2008 "Per tregtaret dhe shoqerite tregtare", i ndryshuar.

FONDI REZERVE

Neni 11

Shoqeria mund te themeloje nje fond rezerve si dhe fonde te tjera te vecanta per zhvillimin e tij. Perberja, shuma totale, fondet per krijimin e tyre perdorimi dhe rregullimi i tyre (i cdo fondi) percaktohet nga ortaku i shoqerise ne perputhje me legjislacionin shqiptar. Vlerat materiale te shoqerise raportohen ne bilance te shprehur ne leke shqiptare, ne perputhje me rregullat ne fuqi ne Republiken e Shqiperise. Bilanci dhe perlogaritjet ekonomike te shoqerise hartohen mbi bazen e formes se bilancit dhe llogaritjeve ekonomike te percaktuara per shoqerite tregtare ne Shqiperi. Bilanci vjetor mbyllet ne 31 dhjetor te cdo viti.

PLANET FINANCIARE

Neni 12

Aktiviteti i shoqërisë mbi bazën e programeve financiare që bëjnë pjesë në aktivitetin financiar të saj. Planet financiare parashikojnë koston dhe të ardhurat e shprehura në leke shqiptare. Gjendja pasurore dhe llogaritjet ekonomike do të paraqiten në leke shqiptare.

Rezultatet financiare të aktivitetit dhe të punës së kryer nga shoqëria, paraqiten në bilancin vjetor. Kursi i këmbimit të monedhës shqiptare në monedhat e huaja dhe e kundërta do të jenë ato të vendosura nga Banka e Shtetit Shqiptar.

ORGANET E SHOQËRISË

Neni 13

Organi vendimarrës i shoqërisë "**AAA solutions**" SHPK është Ortaku e Vetëm **Znj. Anjeza Ajazi**. Ortaku i vetëm është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të kësaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;

- h) miratimin e rregullave procedurale të mbledhjeve të ortakut;
- i) çështje të tjera të parashikuara nga ligji apo statuti.

MBLEDHJA E ORTAKUT TE SHOQERISE

Neni 14

Ortaku i shoqërisë mbledhet në rastet e përcaktuara nga ligji 9901, date 14.04.2008, nga ligje të tjera dhe sa herë që mbledhja është e nevojshme për të mbrojtur interesat e shoqërisë.

Ortaku i vetem thirret nga administratori apo me iniciative të tij përcaktuar sipas nenit 84 të këtij ligji. Mbledhja e përgjithshme thirret nëse:

- sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të certifikuara.
- kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të certifikuara.

PËRFAQËSIMI

Neni 15

Ortaku mund të përfaqësohet në mbledhje, në bazë të një autorizimi nga një ortak tjetër apo nga një person i tretë.

Administratori i shoqërisë nuk mund të veprojnë si përfaqësues i ortakut në mbledhje.

Autorizimi mund të jepet vetëm për një mbledhje, e cila përfshin edhe mbledhjet vijuese me të njëjtin rend dite.

MARRJA E VENDIMEVE

Neni 16

Ne baze të ligjit nr. 9901, date 14.04.2008, ortakut i Vetem vendos për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve,



riorganizimin dhe prishjen e shoqërisë.

Vlefshmëria e vendimeve, që përcaktojnë detyrime shtesë mbi ortakët, apo vendimet që kufizojnë të drejtat e tyre, me përjashtim të rasteve kur parashikohet ndryshe në ligj, kushtëzohet nga miratimi i ortakut përkatës.

PROCESVERBALET E MBLEDHJES SË ORTAKUT

Neni 17

Të gjitha vendimet e ortakut të vetëm duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes; Procesverbali i mbledhjes nënshkruhet nga kryetari dhe nga mbajtësi i procesverbalit.

Nëse shoqëria ka publikuar një faqe në internet, administratorët, jo më vonë se 15 ditë nga data e mbledhjes, janë të detyruar të publikojnë kopje të procesverbalit të mbledhjes së përgjithshme në këtë faqe.

ADMINISTRATORI

Neni 18

Shoqëria me përgjegjësi të kufizuar administrohet nga një ose disa persona fizike. Administratori i shoqërisë emerohet me vendim të Ortakut të shoqërisë. Afati i qëndrimit në detyrë i administratorit të shoqërisë është për një periudhë 1 (një) vjeçare.

Administratori i kësaj shoqërie është **Znj. Anjeza Ajazi**, shtetase Shqiptare, e bija e Fatmirit, lindur në datë 11.08.1990 në Tiranë, dhe banuese në adresën Rruga Sami Frasheri, Tiranë, Shqipëri, mbajtëse e pasaportës Shiptare me Nr. BR2988623, madhore, me zotësi të plote juridike për të vepruar, identifikuar nëpërmjet letërnjoftimit personal me nr. J05811051D.

Administratori i shoqërisë i ka të gjitha kompetencat për të vepruar në marrëdhënie me të tretet në emër të shoqërisë, në të gjitha rrethanat, me përjashtim të kompetencave që u njeh ligji shprehimisht ortakëve.



Administratori ka pergjegjesi ndaj shoqerise ose ndaj te treteve per shkeljete ligjeve, statutit apo shkeljeve te kryera gjate administratimit.

RASTET E PUNES

Neni 19

Raportet e punes ndermjet shoqerise, filialeve dhe agjensive te saj si dhe te punonjesve ne te, rregullohen ne baze te kontrates se punes, konform Kodit te Punes.

Per sa nuk parashikohet ne kontraten e punes, aplikohen dispozitat e legjislacionit shqiptar ne fuqi.

Neni 20

Shoqeria merr persiper, te shlyeje rregullisht te gjitha detyrimet e saj qe burojne nga legjislacioni per sigurimet shoqerore e shendetesore lidhur me te punesuarit e saj.

PERFUNDIMI I AKTIVITETIT

Neni 21

Shoqeria me pergjegjesi te kufizuar prishet:

- 1.Me kalimin e afatit per kohezgjatjen e saj ne kontraten e themelimit.
- 2.Per pamundesine e realizimit te objektit te saj.
- 3.Me vendimin e gjykates.
- 4.Me hapjen e procedurave te falimentit si edhe me te gjitha menytrat e tjera, sipas parashikimeve te legjislacionit ne fuqi.

LIKUJDIMI

Neni 22

Likujdimi i shoqerise me pergjegjesi te kufizuar do te behet sipas normave te legjislacionit shqiptar ne fuqi ne kohen e likujdimit.

KUSHTET E TJERA

Neni 23

Per sa nuk eshte shprehur plotesisht dhe saktesisht ne kete, statut do ti referohen plotesimeve qe mund te beje ortakut i shoqerise, si dhe ligjeve te vecanta te legjislacionit shqiptar ne fuqi.

Per regjistrimin e shoqerise **"AAA solutions" SHPK**, dhe depozitimimin e akteve perkatese prane Qendres Kombetare te Biznesit, procedura do te ndiqet nga ortakut i vetem i shoqerise Znj. Anjeza Ajazi.


Ky statut firmoset rregullisht.

Per shoqerine tregtare **"AAA solutions" SHPK**.

ORTAKU I VETEM I SHOQERISE

Znj. Anjeza Ajazi

Anjeza Ajazi



Tirane, me 22.07.2020